



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vildana Bešlija

Zastupnica u Skupštini Kantona Sarajevo

Broj: ____/24

Sarajevo, 26.02.2024.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministarstvo za odgoj i obrazovanje

PREDMET: ZASTUPNIČKA INICIJATIVA

Poštovani,

na osnovu člana 213. Poslovnika Skupštine Kantona Sarajevo („Službene novine Kantona Sarajevo“; broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), Vladi Kantona upućujem *inicijativu*:

Za izmjenu pedagoških standarda i normativa za osnovno i srednje obrazovanje, koji bi se omogućila dopuna stručnih timova, na način da bi pored jednog psihologa i jednog pedagoga u timu bio i po jedan socijalni radnik.

O B R A Z L O Ž E N J E

Formiranje stručnih timova u školama prema novim pripremljenim izmjenama i dopunama Pedagoških standarda i normativa za osnovno i srednje obrazovanje predviđa izmjene u smislu preciziranja stručnih timova, koje čine: pedagog, psiholog i 0,5 socijalni radnik.

Iako znam da je po pitanju angažovanja socijalnih radnika novim izmjenama predviđeno određeno poboljšanje, te uzimajući u obzir da se u školama povremeno desi neki incident koji uznemiri djecu i roditelje, mišljenja sam da stručni timovi u školama trebaju biti ojačani na način da u timu budu angažovani socijalni radnici u punom radnom vremenu.

Prevenција je oblik djelovanja koji mora biti prioritet kada su djeca u pitanju, svjedoci smo pojave vršnjačkog nasilja. Znamo da djeca nisu krivično odgovorna, tako da se prevencija treba prevenirati u školama u radu sa stručnim timovima u radu sa djecom i roditeljima, te da uključivanja Centra za socijalni rad u svakodnevno djelovanje u školama nije dovoljno, jer oni imaju svoje djelovanje u situacijama koje su definisane izvan školskih klupa.

Zato, u cilju preventivnog djelovanja i osiguranja kontinuiteta u praćenju porodičnih prilika, saradnje s institucijama, ostvarivanja socijalnog rada i zaštite najboljeg interesa svakog djeteta, a na osnovu povećanog obima poslova stručne službe i radnih zadataka stručnih saradnika socijalnih radnika u obrazovanju, neophodno je izvršiti izmjenu u dijelu koji se odnosi na broj i strukturu stručnih saradnika socijalnih radnika u obrazovanju, u segmentu da u svrhu preventivnog djelovanja u svakoj školi broj izvršilaca stručnih saradnika socijalnih radnika bude - 1 izvršilac.

Stručne službe škole konstantno koordiniraju pored redovnog posla u školi, rad sa porodicom, policijom, zdravstvenim ustanovama i ustanovama socijalne zaštite, kako bi se na vrijeme i adekvatno pružila pomoć i potrebna podrška svakom učeniku i njegovoj porodici/starateljima.

Vjerujem da su socijalni radnici, koji su godinama radili u dvije i više škola, svojim stručnim djelovanjem dokazali i pokazali potrebu za angažmanom socijalnih radnika na puno radno vrijeme, čime sistem neće samo zadovoljiti formu već će osigurati stručnu podršku porodicama i djeci, multidisciplinarni pristup u prevazilaženju poteškoća koje ometaju odgojno-obrazovni proces, kontinuitet u praćenju porodičnih prilika, i na kraju zaštitu radno-pravnog statusa, autonomiju struke socijalnog rada, te socijalnu sigurnost kao i očuvanje mentalnog zdravlja socijalnih radnika i prevenciju profesionalnog sagorijevanja.

Ističem i podržavam, stvarnu potrebu za zapošljavanjem školskih psihologa i kompletiranjem stručnih službi škola koje čine pedagog, psiholog i socijalni radnik, ali u vremenu društvenih promjena kada su prisutni brojni izazovi roditeljstva, povećan broj slučajeva porodičnog nasilja, nepotpunih porodica, maloljetničke delinkvencije, povećanog broja krivičnih djela čiji su izvršioc maloljetna lica, kriza porodice kao institucije, zapošljavanje socijalnih radnika na nepunu normu je samo zadovoljavanje forme.

Nažalost, zbog nepune norme i/ili rada u više škola izostaje prevencija te se angažman svodi uglavnom na intervencije.

Vjerujem da će Ministarstvo ozbiljno razmotriti ovu inicijativu i pružiti podršku, te podržati angažman socijalnih radnika kao nezamjenjiv stručni profil, jedinstven u društvenom sistemu po širini svog djelovanja, koji ne tretira samo dijete, nego neposredno pokreće i koordinira potrebnu socijalnu promjenu za dobrobit djeteta - intervenirajući u porodici, školskom sistemu i svim relevantnim institucijama.

S poštovanjem,

Vildana Bešlija

Zastupnica u Skupštini Kantona Sarajevo

Naša stranka